

太上中道妙法蓮華經卷之四

解脫品第七

爾時

元始天尊白諸天衆從昔以來未聞無上經典。大千人倫我道德逍遙快樂自然乃往古

社一

七

時有一童子遊戲諸國多諸智惠世藝無雙或入山林或居城邑與人僕使常無解怠更生歡喜常復仙歌無嗔無怒又復尋遊到一小國遇一高山四顧雲霞綠水橫流爾時童子乃止此山朝餐松柏暮宿崑崙日往月來

常誦妙經時有白鶴從空而下童子與鶴成伴又經數百年間天童王女從空來迎當會元君成道歸正是時童子無慳貪嫉妬五毒之心又復成仙下遊世界除妖毒之精救度人民除其疾病當行如是爾時仙子即我身也。復告天衆我觀下界人民不脩十善道我當化度未成仙道在世界中不免輪迴如賜艷如水聚如龍蕪如石火化人如風中燭如蕉穀葉如夢幻影如石火久住如電光常照如煩惱形今正是時諸仙成道更自思惟玉

女金童選空駕羽三山來去瑤臺紫府碧落空歌日月光中常遊香冥無極九品上卿真人無極上品流霞真人無極妙品左玄真人與我同生常居天界共談下方惡業衆生不修妙法終無解脫

教量品第八

爾時

元始天尊白諸天衆譬如大海容諸小海無復盈溢今諸天衆化彼群迷是時下方衆生人民勿生懈倦日夜精勤誦無量妙經千萬億遍觀心如空更施妙術現種種變化身長萬丈頭住於天足履大海興雲致雨脚下出水頭上出火頭上出水脚下出火現如是神通皆以教化若人重病自化良醫若人枷禁自化解脫若人在於險路自化人引若人沒

於江湖自化舟舫若人遇於鬼精之害自化除魅一切排空飛龍走騎散彩橋台種種蕭歌能令天人聞之地獄停酸諸鬼之精遠藏他方爾時會中有一妙行真人即說偈曰
重空天花滿 即超法會來

是彼天人化 法雨潤長空
鶴隨丹殿舞 鳳鳴隱洞前
一切靈空瑞 無鞅數以衆
玉女金童侍 流霞耀紫虛
衆歌碧落白 步虛元君勅

令救衆生苦 時有下方聞
學道諸仙子 大誓集無為
持經深洞裏 學術古台中
現行世界外 未達妙經玄
不免會元君 演說微妙語

聞道逍遙品 黃庭共所宣
雨蒙乾地樂 漸漸長馨香
一聞真妙道 永不值輪迴
或大小枝苗 群草百般條
一切諸仙子 共超苦趣玄
能令九幽罪 化作上天僊
一切諸煩惱 悉令衆真靈

太上中道妙法蓮華經卷之四終